

**MISSÆ PROPRIÆ**

**PRO**

**ARCHIDIÆCESIS  
SOUTHWARCENSIS**

# KALENDARIIUM

## JANUARI

12 S. BENEDICTI BISCOPI ABBATIS. *Commemoratio*

## FEBRUARI

3 S. LAURENTII EP. ET CONF. *III classis*  
25 vel 26 S. ÆTHELBERTI REGIS, CONF. *III classis*

## MARTII

12 S. GREGORII PAPÆ, CONF. ET DOCT. *II classis*

## APRILIS

3 S. RICARDI EP. ET CONF. *III classis*  
19 S. ÆLPHEGI EP. ET MART. *III classis*  
23 S. GEORGII MART. *I classis*  
24 S. MELLITI EP. ET CONF. *III classis*

## MAJI

4 BEATORUM MART. ANG. ET CAMB. *III classis*  
13 S. ERCONWALDI EP. ET CONF. *III classis*  
16 S. SIMONIS STOCK CONF. *III classis*  
19 S. DUNSTANI EP. ET CONF. *III classis*  
26 S. AUGUSTINI EP. ET CONF. *II classis*  
28 S. ALDHELMI EP. ET CONF. *III classis*

## JUNII

22 S. ALBANI MART. *III classis*

## JULII

7 TRANSLATIO S. THOMÆ EP. ET MART. *III classis*  
9 SS. JOANNIS FISHER EP. ET THOMÆ MORE  
MART. *I classis*  
15 S. SWITHUNI EP. ET CONF. *III classis*

## SEPTEMBRIS

- 19 S. THEODORI EP. ET CONF. **III classis**  
30 S. HONORII EP. ET CONF. **Commemoratio**

## OCTOBRIS

- 10 S. PAULINI EP. ET CONF. **III classis**  
12 S. WILFRIDI EP. ET CONF. **III classis**  
13 S. EDUARDI REGIS, CONF. **II classis**  
15 IN DEDICATIONE ECCL. CATHEDRALIS. **I classis**

## NOVEMBRIS

- 10 S. JUSTI EP. ET CONF. **III classis**  
16 S. EDMUNDI EP. ET CONF. **III classis**

## DECEMBRIS

- 29 S. THOMÆ CANTUARIENSIS EP. ET M. **I classis**

**Die 29 Decembris**  
**S. THOMÆ CANTUARIENSIS EP. ET M.**

I classis  
Omnia ut in Missali hac die.

**Die 12 Januarii**  
**S. BENEDICTI BISCOPI ABBATIS**

Commemoratio

Missa Os justi, de Communi Abbatum, præter Orationem sequentem:

Oratio

Deus, cujus múnere beátus Benedíctus Abbas, ut perféctus esset, ómnia reliquit: da cunctis evangélicæ perfectiónis sémitam ingræssis; ut nec retro respícient nec háreant in via, sed ad te sine offensióne curréntes vitam ætéram apprehéndant. Per Dóminum.

Secreta

Sacris altáribus, Dómine, hóstias superpósitas sanctus Benedíctus Abbas, quásumus, in salútem nobis proveníre depóscat. Per Dóminum.

Postcommunio

Prótegat nos, Dómine, cum tui perceptiÓne sacraménti beátus Benedíctus Abbas pro nobis intercedéndo: ut et conversatiÓnis ejus experiámur insígnia, et intercessiÓnis percipiámus suffrágia. Per Dóminum.

**Die 3 Februarii**  
**S. LAURENTII EP. ET CONF.**

III classis

Missa Sacerdótes tui, de Comm. Conf. Pont. 2 loco.

Oratio

Exáudi, quásumus, Dómine, preces nostras, quas in beáti Lauréntii Confessóris tui atque Pontíficis sollemnitáte deférimus: et, qui tibi digne méruit famulári, ejus intercedéntibus méritis, ab ómnibus nos absólve peccátis. Per Dóminum.

Et fit commemoratio S. Blasii Ep. et Mart.:

Oratio

Deus, qui nos beáti Blásii Mártiris tui atque Pontíficis ánnua sollemnitáte lætíficas: concéde propítius; ut, cujus natalítia cólimus, de ejúsdem étiam protectiÓne gaudeámus. Per Dóminum.

**Secreta**

Sancti Lauréntii Confessóris tui atque Pontíficis, quásumus, Dómine, ánnua sollémnitas pietáti tuæ nos reddat accéptos: ut, per hæc piæ placatiónis officia, et illum beáta retribútio comitétur, et nobis grátia tuæ dona concíliet. Per Dóminum.

**Pro S. Blasio**

**Secreta**

Múnera tibi, Dómine, dicáta sanctífica: et, intercedénte beáto Blásio Mártire tuo atque Pontífice, per éadem nos placátus inténde. Per Dóminum.

**Postcommunio**

Deus, fidélium remunerátor animárum: præsta; ut beáti Lauréntii Confessóris tui atque Pontíficis, cujus venerándam celebrámus festivitátem, précibus indulgéntiam consequámur. Per Dóminum.

**Pro S. Blasio**

**Postcommunio**

Hæc nos commúnio, Dómine, purget a crímine: et, intercedénte beáto Blásio Mártire tuo atque Pontífice, cæléstis remédii fáciat esse consórtes. Per Dóminum.

**Die 25 vel 26 Februarii**

**S. ÆTHELBERTI REGIS, CONFESSORIS**

**III classis**

**Missa** Os justi, **de Comm. Conf. non Pont. 1 loco.**

**Oratio**

Deus, qui beátum regem Æthelbértum Confessórem tuum æternitátis glória coronásti: fac nos, quásumus; ita eum venerári in terris, ut cum eo regnáre possímus in cælis. Per Dóminum.

**Secreta**

Laudis tibi, Dómine, hóstias immolámus in tuórum commemoratióne Sanctórum: quibus nos et præsentibus éxui malis confídimus, et futúris. Per Dóminum.

**Postcommunio**

Refécti cibo potúque cælésti, Deus noster, te súplices exorámus: ut, in cujus hæc commemoratióne percépimus, ejus muniámur et précibus. Per Dóminum.

**Die 12 Martii**  
**S. GREGORII PAPÆ, CONFESSORIS ET ECCLESIÆ DOCTORIS**

Anglorum Apostoli

II classis

Missa ut in Missali hac die.

Præfatio de Quadragesima.

**Die 3 Aprilis**  
**S. RICARDI Ep. et Conf.**

III classis

Missa Státuit, de Comm. Conf. Pont.1 loco, præter Orationes sequentes:

Oratio

Deus, qui Ecclésiã tuã méritis beãti Ricãrdi, Confessóris tui atque Pontíficis, fecisti miraculis coruscãre gloriósis: concéde nos fãmulos tuos; ipsíus intercessióne, ad ætérnam beatitúdinis glóriã perveníre. Per Dóminum.

Secreta

Concéde, quãsumus, miséricors Deus: ut intercedénte beãto Ricãrdo Confessóre tuo atque Pontífice, óculis tuã majestãtis munus oblãtum et grãtiam nobis bene vivéndi obtíneat, et glóriã sempitérnam acquirat. Per Dóminum.

Postcommunio

Hæc sacrosãncta sumpta mystéria nobis efféctum, Dómine, cónferant salutãrem: quorum beãtus Ricãrdus, Conféssor tuus atque Póntifex, devótus éxstitit dispensãtor. Per Dóminum.

**Die 19 Aprilis**  
**S. ÆLPHEGI EPISCOPI ET MARTYRIS**

III classis

Antiphona ad Introitum

Ps. 63, 3

Protexísti me, Deus, a convéntu malignántium, allelúja: a multítudine operántium iniquitãtem, allelúja, allelúja. Ps. *ibid.*, 2 Exãudi, Deus, oratióne meã cum déprecor: a timóre inimíci éripe ánimã meã. V. Glória Patri.

Oratio

Deus, qui beãtum Ælphégum devotíssimum tui nóminis Confessórem sacerdotãli dignitãte et martýrii palma decorãsti: concéde propítius; ita nos apud te ejus

intercessiōnibus adjuvāri, ut cum eo possimus in ætérna felicitáte lætāri. Per Dóminum.

Lectio Epístolæ beāti Pauli Apóstoli ad Hebræos

**Hebr. 5, 1-4**

Fratres: Omnis pón.tifex ex homínibus assúmptus, pro homínibus constitúitur in iis, quæ sunt ad Deum: ut ófferat dona, et sacrificia pro peccátis: qui condolére possit iis, qui ignórant et errant: quóniam et ipse circúmdatus est infirmitáte: et proptérea debet, quemádmódum pro pópulo, ita étiam et pro semetípso offérre pro peccátis. Nec quisquam sumit sibi honórem, sed qui vocátur a Deo, tamquam Aaron.

Allelúja, allelúja **V. Ps. 88, 6** Confitebúntur cæli mirabília tua, Dómine: étenim veritátem tuam in ecclésia sanctórum. Allelúja. **V. Ps. 20, 4** Posuísti, Dómine, super caput ejus corónam de lápide pretióso. Allelúja.

+ Sequéntia sancti Evangélii secúndum Joánnem

**Joann. 15, 1-7**

In illo témpore: Dixit Jesus discípulis suis: Ego sum vitis vera: et Pater meus agrícola est. Omnem pálmitem in me non feréntem fructum, tollet eum: et omnem, qui fert fructum, purgábit eum, ut fructum plus áfferat. Jam vos mundi estis propter sermónem, quem locútus sum vobis. Manéte in me: et ego in vobis. Sicut palmes non potest ferre fructum a semetípso, nisi mánsarit in vite: sic nec vos, nisi in me manséritis. Ego sum vitis, vos pálmites: qui manet in me, et ego in eo, hic fert fructum multum: quia sine me nihil potéstis fácere. Si quis in me non mánsarit, mittétur foras sicut palmes, et aréscet, et cólligent eum, et in ignem mittent, et ardet. Si manséritis in me, et verba mea in vobis mánsarint: quodcúmque voluérítis, petétis, et fiet vobis.

**Antiphona ad Offertorium**

**Ps. 88, 6**

Confitebúntur cæli mirabília tua, Dómine: et veritátem tuam in ecclésia sanctórum, allelúja, allelúja.

**Secreta**

Hóstias tibi, Dómine, beāti Ælphégi Mártyris tui atque Pontíficis dicátas méritis, benígnus assúme: et ad perpétuum nobis tríbue proveníre subsidiúm. Per Dóminum.

## Antiphona ad Communionem

Ps. 63, 11

Lætábitur justus in Dómino, et sperábit in eo: et laudabúntur omnes recti corde, allelúja, allelúja.

## Postcommunio

Refécti participatióne múnneris sacri, quásumus, Dómine Deus noster: ut, cujus exséquimur cultum, intercedénte beáto Ælphégo Mártire tuo atque Pontífice, sentiámus efféctum. Per Dóminum.

**Die 23 Aprilis**

**S. GEORGII MARTYRIS**

Patroni Princ. Angliæ

I classis

Missa ut in Missali eadem die, et in Anglia dicitur Credo.

**Die 24 Aprilis**

**S. MELLITI EPISCOPI ET CONFESSORIS**

III classis

Missa Státuit, de Comm. Conf. Pont. 1 loco, præter Orationem Exáudi, e Missa Sacerdótes tui, de Comm. 2 loco.

Oratio

Exáudi, quásumus, Dómine, preces nostras, quas in beáti Mellíti Confessóris tui atque Pontíficis sollemnitate deférimus: et, qui tibi digne méruit famulári, ejus intercedéntibus méritis, ab ómnibus nos absólve peccátis. Per Dóminum.

Et fit commemoratio S. Fidelis, Mart.:

Oratio

Deus, qui beátum Fidélem, seráphico spíritus ardóre succénsus, in veræ fidei propagatióne martyrii palma et gloriósis miráculis decoráre dignátus es: ejus, quásumus, méritis et intercessióne, ita nos per grátiam tuam in fide et caritate confírma; ut in servítio tuo fidéles usque ad mortem inveníri mereámur. Per Dóminum.

Secreta

Sancti tui, quásumus, Dómine, nos ubique lætíficent: ut, dum eórum mérita recólimus, patrocínia sentiámus. Per Dóminum.

Pro S. Fidelis

Secreta

Munéribus nostris, quásumus, Dómine, precibúsqe suscéptis: et cæléstibus nos munda mystériis, et cleménte exáudi. Per Dóminum.

Postcommunio

Præsta, quásumus, omnípotens Deus: ut, de percéptis munéribus grátias exhibéntes, intercedénte beáto Mellíto Confessóre tuo atque Pontífice, beneficia potióra sumámus. Per Dóminum.

Pro S. Fidelis

Postcommunio

Da, quásumus, Dómine Deus noster: ut, sicut tuórum commemoratióne Sanctórum temporáli gratulámur officio; ita perpétuo lætémur aspéctu. Per Dóminum.

Die 4 Maji

BEATORUM MARTYRUM ANGLIÆ ET CAMBRIÆ

III classis

Antiphona ad Introitum

Ps. 78, 1

Deus, venérunt gentes in hereditátem tuam, polluérunt templum sanctum tuum: posuérunt Jerúsalem in pomórum custódiam, allelúja, allelúja. **Ps. ibid., 2** Posuérunt morticína servórum tuórum escas volatílibus cæli: carnes sanctórum tuórum béstiis terræ. **V.** Glória Patri.

Oratio

Deus, qui beátos Mártyres tuos Joánnem Pontíficem, Thomam, eorúmque sócios veræ fidei summíque sacerdotii propugnatóres inter Anglos omni ex órdine suscitásti: eórum méritis ac précibus concéde; ut ejúsdem fidei professióne unum omnes, sicut tuus rogávit Fílius, efficiámur et simus: Qui tecum vivit.

Et fit commemoratio S. Monicæ Vid.:

Oratio

Deus, mæréntium consolátor et in te sperántium salus, qui beátæ Mónica piás lácrimas in conversióne filii sui Augustíni misericórditer suscepísti: da nobis utriúsque intervéntu; peccáta nostra deploráre, et grátiae tuæ indulgéntiam inveníre.

Deinde pro Anglia

Oratio

Deus, qui nos ab Ecclésiæ nostræ nascéntis exórdio beátæ Mariæ Vírginis dotem, ac Petro Apostolórum Príncipi súbditos effecísti: concéde propítius; ut in

catholicæ fidei firmitate constanter eamdem beatissimam Virginem diligere, atque in Petri obedientia permanere valeamus. Per Dominum.

Lectio Epistolæ beati Pauli Apostoli ad Hebræos

**Hebr. 12, 1-10**

Fratres: Tantam habentes impositam nubem testium, deponentes omne pondus, et circumstans nos peccatum, per patientiam curramus ad propositum nobis certamen: aspicientes in auctorem fidei et consummatorem Jesum, qui proposito sibi gaudio sustinuit crucem, confusione contempta, atque in dextera sedis Dei sedet. Recogitate enim eum qui talem sustinuit a peccatoribus adversum semetipsum contradictionem: ut ne fatigemini, animis vestris deficientes. Nondum enim usque ad sanguinem restitistis, adversus peccatum repugnantes: et obliti estis consolations, quæ vobis tamquam filiis loquitur, dicens: Fili mi, noli negligere disciplinam Domini, neque fatigaris dum ab eo argueris. Quem enim diligit Dominus, castigat: flagellat autem omnem filium quem recipit. In disciplina perseverate. Tamquam filiis vobis offert se Deus: quis enim filius quem non corripit pater? Quod si extra disciplinam estis, cuius participes facti sunt omnes: ergo adulteri et non filii estis. Deinde patres quidem carnis nostræ eruditores habuimus, et reverebamur eos: non multo magis obtemperabimus Patri spirituum, et vivemus? Et illi quidem in tempore paucorum dierum secundum voluntatem suam erudiébant nos: hic autem ad id quod utile est in recipiendo sanctificationem ejus.

Allelúja, allelúja. **V.** Sancti tui, Domine, florébunt sicut lílium, et sicut odor bálsami erunt ante te. Allelúja. **V. Ps. 115, 15** Pretiósá in conspéctu Dómini mors sanctórum ejus. Allelúja.

**Extra tempus paschale:**

**Graduale**

**Ps. 78, 3-4 et 8**

Effuderunt sanguinem eorum tamquam aquam in circúitu Jerúsalem: et non erat qui sepelíret: facti sumus oppróbrium vicínis nostris, subsannatio et illúsió his qui in circúitu nostro sunt. **V.** Ne memíneris iniquitátum nostrárum antiquárum, cito antícipent nos misericórdiæ tuæ.

Allelúja, allelúja. **V.** Nos autem pópulus tuus et oves páscuæ tuæ, confitébimur tibi in sáculum. Allelúja.

**+ Seqéntia sancti Evangélli secúndum Joánnem**

**Joann. 10, 23-30**

In illo tempore: Ambulábat Jesus in templo, in pórticu Salomónis. Circumdedérunt ergo eum Judæi, et dicébant ei: Quoúsque ánimam nostram tollis? Si tu es Christus, dic nobis palam. Respondit eis Jesus: Loquor vobis, et non créditis: ópera quæ ego fácio in nómine Patris mei, hæc testimónium

pérhibent de me: sed vos non créditis, quia non estis ex óvibus meis. Oves meæ vocem meam áudiunt: et ego cognóscó eas, et sequúntur me: et ego vitam ætérnam do eis: et non períbunt in ætérnum, et non rápiet eas quisquam de manu mea. Pater meus quod dedit mihi, majus ómnibus est: et nemo potest rápere de manu Patris mei. Ego et Pater unum sumus.

### Antiphona ad Offertorium

Baruch. 3, 5-6

Noli meminísse iniquitátum patrum nostrórum, sed meménto manus tuæ et nóminis tui in témpore isto: quia tu es Dóminus Deus noster, et laudábimus te, Dómine, allelúja.

### Secreta

Exáudi voces, Dómine, beatórum Mártyrum tuórum sub altáre tuum clamántium: et oblatiónibus nostris placátus inténde. Per Dóminum.

### Pro S. Monica

### Secreta

Accépta tibi sit, Dómine, sacrátæ plebis oblátio pro tuórum honóre sanctórum: quorum se méritis de tribulatióne percepísse cognóscit auxiliúum.

### Pro Anglia

### Secreta

Clementíssime Deus, cujus misericórdiæ non est númerus, immaculátæ hujus hóstiæ oblatiône placátus, beáta María Vírgine cum Petro Apostolórum Príncipe intercedénte, ita pópuli hujus mentem illúmina et corda succénde: ut in ea fide quæ caritátem operátur constans perseverét. Per Dóminum.

### Antiphona ad Communionem

Sub altáre Dei audívi vocem occisórum dicéntium: Quare non deféndis sánguinem nostrum? Et accepérunt divínium respónsum: Adhuc sustinéte módicum témpus, donec impleátur númerus fratrum vestrórum, allelúja.

### Postcommunio

Cælésti convívio refécti, quásumus, Dómine Deus noster: ut, intercedéntibus beátis Martýribus tuis, ad eorúmdem consórtium perveníre mereámur. Per Dóminum.

### Pro S. Monica

### Postcommunio

Satiásti, Dómine, famíliam tuam munéribus sacris: ejus, quásumus, semper interventióne nos réfove, cujus sollémnia celebrámus.

Pro Anglia

Postcommunio

Deus, qui gentem nostram, beátæ Mariæ Vírginis dotem, antíqua erga Petrum Apóstolum fidelitáte clarificásti: hujus sacrificii virtúte; eam in ejúsdem beátæ Mariæ Vírginis afféctu, atque erga Apostólicam Sedem obediéntia confírma. Per Dóminum.

Die 13 Maji

S. ERCONWALDI EP. ET CONF.

III classis

Missa Sacerdótes tui, de Comm. Conf. Pont. 2 loco, præter Orationes sequentes:

Oratio

Omnípotens sempitérne Deus, qui nos beáti Erconwáldi Confessóris tui atque Pontíficis hodiérna festivitáte lætíficas: tuam súpplices exorámus cleméntiam; ut, cujus sollémnia devótis offíciis venerámur, ejus piis suffrágiis ætérnæ vitæ remédia consequámur. Per Dóminum.

Et fit commemoratio S. Roberti, Ep., Conf., et Eccl. Doct.:

Oratio

Deus, qui ad errórum insídias repelléndas et Apostólicæ Sedis jura propugnánda, beátum Robértum, Pontíficem tuum atque Doctórem, mira eruditíone et virtúte decorásti: ejus méritis et intercessióne concéde; ut nos in veritátis amóre crescámus et errántium corda ad Ecclésiæ tuæ rédeant unitátem. Per Dóminum.

Secreta

Propitiáre, quásumus, Dómine, supplicatió nibus nostris: et, intercedénte beáto Erconwáldo Confessóre tuo atque Pontífice, tuis sacraméntis cæléstibus serviéntes ab omni culpa líberos esse concéde; ut, purificánte nos grátia tua, eísdem quibus famulámur mystériis emundémur. Per Dóminum.

Pro S. Roberti,

Secreta

Hóstias tibi, Dómine, in odórem suavitátis offérimus: et præsta; ut, beáti Robérti mónitis et exémpis edócti, per sémitam mandatórum tuórum dilatáto corde currámus. Per Dóminum.

Postcommunio

Præsta, quásumus, Dómine Deus noster: ut, divínis mystériis expiáti; intercedénte beáto Erconwáldo Confessóre tuo atque Pontífice, ad supérni plenitúdinem sacraménti, cujus libávimus sancta, tendámus. Per Dóminum.

Pro S. Roberti,

Postcommunio

Sacramenta, quæ sumpsimus, Dómine Deus noster, in nobis fóveant caritátis ardórem: quo beátus Robértus veheménter accénsus, pro Ecclésia tua se júgiter impendébat. Per Dóminum.

Die 16 Maji

S. SIMONIS STOCK CONFESSORIS

III classis

Missa Os justi, de Comm. Conf. non Pont. 1 loco, præter Orationem sequentem:

Oratio

Plebs tibi, Dómine, Virgínique Matri dicáta, beáti Simónis sollemnitate lætétur: et sicut per eum tantæ protectiõnis signum obtínuit; ita prædestinatiõnis æternæ múnera consequátur. Per Dóminum.

Et fit commemoratio S. Ubáldi, Ep. et Conf.:

Oratio

Auxilium tuum nobis, Dómine, quæsumus, placátus impénde: et, intercessiõne beáti Ubáldi Confessóris tui atque Pontíficis, contra omnes diáboli nequítias dexteram super nos tuæ propitiatiõnis exténde. Per Dóminum.

Secreta

Laudis tibi, Dómine, hóstias immolámus in tuórum commemoratiõne Sanctórum: quibus nos et præsentibus éxui malis confídimus, et futúris. Per Dóminum.

Pro S. Ubáldi

Secreta

Sancti tui, quæsumus, Dómine, nos ubíque lætíficent: ut, dum eórum mérita recólimus, patrocínia sentiámus. Per Dóminum.

Postcommunio

Refécti cibo potúque cælésti, Deus noster, te súplices exorámus: ut, in cujus hæc commemoratiõne percépimus, ejus muniámur et précibus. Per Dóminum.

Pro S. Ubáldi

Postcommunio

Præsta, quæsumus, omnípotens Deus: ut, de percéptis munéribus grátias exhibéntes, intercedénte beáto Ubáldo Confessóre tuo atque Pontífice, beneficia potióra sumámus. Per Dóminum.

**Die 19 Maji**  
**S. DUNSTANI EP. ET CONF.**

III classis

**Missa** Sacerdotes tui, **de Comm. Conf. Pont. 2 loco, præter Orationes sequentes:**

**Oratio**

Deus, qui beátum Dunstánum Pontíficem tuum ad regna transtulísti cæléstia: da nobis per gloriósa ejus mérita ad gáudia transíre perénnia. Per Dóminum.

**Et fit commemoratio S. Petri Cælestini Papæ et Conf.:**

**Oratio**

Deus, qui beátum Petrum Cælestínum ad summi pontificátus ápicem sublimásti, quique illum humilitáti postpónere docuísti: concéde propítius; ut ejus exémplo cuncta mundi despícere, et ad promíssa humílibus præmia perveníre feliciter mereámur. Per Dóminum.

**Deinde, commemoratio S. Pudentianæ, Virg.:**

**Oratio**

Exáudi nos, Deus salutáris noster: ut, sicut de beátæ Pudentianæ Vírginis tuæ festivitáte gaudémus, ita piæ devotiónis erudiámur afféctu. Per Dóminum.

**Secreta**

Súscipe, quásumus, Dómine, múnera supplicántis famíliæ tuæ: quæ tibi in beáti Dunstáni Confessóris tui atque Pontíficis sollemnitáte deférimus, precántes; ut, ejus patrocínio venerándo adjúti, deféndi mereámur ab ómnium inimicórum insídiis. Per Dóminum.

**Pro S. Petri Cælestini**

**Secreta**

Oblátis munéribus, quásumus, Dómine, Ecclésiám tuam benígnus illúmina: ut, et gregis tui profíciat ubíque succéssus, et grati fiant nómini tuo, te gubernánte, pastóres. Per Dóminum.

**Pro S. Pudentianæ**

**Secreta**

Accépta tibi sit, Dómine, sacrátæ plebis oblátio pro tuórum honóre Sanctórum: quorum se méritis de tribulatióne percepísse cogníscit auxílium. Per Dóminum

**Postcommunio**

Beáti Dunstáni Confessóris tui atque Pontíficis, quásumus, Dómine, precatióne nos ádjuva, in cujus veneratióne tua contígimus sacraméнта. Per Dóminum.

Pro S. Petri Cælestini

Postcommunio

Refectiōne sancta enutrītam gubérna, quæsumus, Dómine, tuam placatus Ecclésiā: ut poténti moderatiōne dirécta, et increménta libertátis accípiat et in religiōnis integritáte persístat. Per Dóminum.

Pro S. Pudentianæ

Postcommunio

Satiásti, Dómine, famíliam tuam munéribus sacris: ejus, quæsumus, semper interventiōne nos réfove, cujus solémnia celebrámus. Per Dóminum.

**Die 26 Maji**

**S. AUGUSTINI EP. ET CONF.**

Anglorum Apostoli

II classis

In tota Anglia et Cambria

Antiphona ad Introitum

Ps. 131, 9-10

Sacerdótes tui, Dómine, índuant justítiam, et sancti tui exsúltent: propter David servum tuum, non avértas fáciem Christi tui. (T.P. Allelúja, allelúja.) Ps. *ibid.*, 1 Meménto, Dómine, David: et omnis mansuetúdinis ejus. V. Glória Patri.

Oratio

Deus, qui beátum Augustínū Pontíficem primū Doctórem pópulo concessísti Anglórum: tríbue nobis, quæsumus; ut, cujus mérita prædicámus in terris, ejus suffrágia sentiámus in cælis. Per Dóminum.

Et fit commemoratio S. Philippi Nerii Conf. tantum:

Oratio

Deus, qui beátum Philíppum Confessórem tuum Sanctórum tuórum glória sublimásti: concéde propítius; ut, cujus sollemnitate lætámur, ejus virtútum proficiámus exémplo. Per Dóminum.

Léctio Epístolæ beáti Pauli Apóstoli ad Hebræos

Hebr. 7, 23-27

Fratres: Plures facti sunt sacerdótes, idcirco quod morte prohiberéntur permanére: Jesus autem, eo quod máneat in ætérnum, sempitérnum habet sacerdótium. Unde et salváre in perpétuum potest accedéntes per semetípsum ad Deum: semper vivens ad interpellándum pro nobis. Talis enim decébat ut nobis esset pón tifex, sanctus, ínnocens, impollútus, segregátus a peccatóribus, et excélsior cælis factus: qui non habet necessitátem cotídie, quemádmódum

sacerdótes, prius pro suis delíctis hóstias offérre, deínde pro pópuli: hoc enim fecit semel, seípsum offeréndo, Jesus Christus Dóminus noster.

### Graduale

Ps. 131, 16-17

Sacerdótes ejus índuam salutári: et sancti ejus exsultatióne exsultábunt. V. Illuc prodúcam cornu David: parávi lucérnam Christo meo.

Allelúja, allelúja. V. Ps. 109, 4 Jurávit Dóminus, et non pœnitébit eum: Tu es sacérdos in ætérnum, secúndum órđinem Melchisedech. Allelúja.

### Tempore autem Paschali omittitur Graduale, et ejus loco dicitur:

Allelúja, allelúja. V. Ps. 109, 4 Jurávit Dóminus, et non pœnitébit eum: Tu es sacérdos in ætérnum, secúndum órđinem Melchisedech. Allelúja. V. Eccli 45, 9 Amávit eum Dóminus, et ornávit eum: stolam glóriæ índuit eum. Allelúja.

### + Sequéntia sancti Evangélii secúndum Lucam

Luc. 10, 1-9

In illo témpore: Designávit Dóminus et álios septuagínta duos: et misit illos binos ante fáciem suam in omnem civitátem et locum quo erat ipse ventúrus. Et dicébat illis: Messis quidem multa, operárii autem pauci. Rogáte ergo Dóminum messis, ut mittat operários in messem suam. Ite: ecce ego mitto vos sicut agnos inter lupos. Nolíte portáre sácculum, neque peram, neque calceaménta: et néminem per viam salutavéritis. In quamcúmque domum intravéritis, primum dícite: Pax huic dómui: et si ibi fúerit fílius pacis, requiécet super illum pax vestra: sin autem, ad vos revertétur. In eádem autem domo manéte, edéntes et bibéntes quæ apud illos sunt: dignus est enim operárius mercéde sua. Nolíte transíre de domo in domum. Et in quamcúmque civitátem intravéritis, et suscepérint vos, manducáte quæ apponúntur vobis: et curáte infirmos qui in illa sunt, et dícite illis: Appropinquávit in vos regnum Dei.

### Antiphona ad Offertorium

Ps. 88, 25

Véritas mea et misericórdia mea cum ipso: et in nómine meo exaltábitur cornu ejus. (T.P. Allelúja.)

### Secreta

Grata tibi sint, quæsumus, Dómine, obláta múnera: quibus beáti Augustíni Confessóris tui atque Pontíficis mérita venerámur; et nostræ páriter recólimus insígnia libertátis et vitæ. Per Dóminum.

**Pro S. Philippo**

**Secreta**

Sacrificiis praesentibus, quaesumus, Domine, intende placatus: et praesta; ut illo nos igne Spiritus Sanctus inflamment, quo beati Philippi cor mirabiliter penetravit. Per Dominum... in unitate ejusdem.

**Antiphona ad Communionem**

**Matth. 24, 46-47**

Beatus servus quem, cum venerit dominus, invenerit vigilantem: amen dico vobis, super omnia bona sua constituet eum. (T.P. Alleluja.)

**Postcommunio**

Sancta tua, quaesumus, Domine, quae pro beati Augustini Confessoris tui atque Pontificis sollemnitate libavimus, nos foveant: quibus jugiter satiemur et semper desideremus expleri. Per Dominum.

**Pro S. Philippo**

**Postcommunio**

Caelstibus, Domine, pasti deliciis: quaesumus; ut beati Philippi Confessoris tui meritis et imitatione semper eadem, per quae veraciter vivimus, appetamus. Per Dominum.

**Die 28 Maji**

**S. ALDHELMI EP. ET CONF.**

**III classis**

**Missa Statuit, de Comm. Conf. Pont. 1 loco, praeter Orationes seq.:**

**Oratio**

Deus, qui hodierna die sanctum Pontificem tuum Aldhelmum ad aeterna sublimasti gaudia: illius, quaesumus, meritis et precibus illuc nos tua perducat misericordia. Per Dominum.

**Secreta**

Hujus tibi, Domine, precibus nostra, quaesumus, grata reddatur oblatio, pro cujus est festivitate immolata. Per Dominum.

**Postcommunio**

Sollemnitatem, quaesumus, Domine, beati Pontificis Aldhelmi celebrantibus adesto propitius, et nobis ejus meritis concede gaudia caelestia. Per Dominum.

## Die 22 Junii

### S. ALBANI

Britanniæ Protomartyris

III classis

Antiphona ad Introitum

Ps. 20, 2-3

In virtúte tua, Dómine, lætábitur justus: et super salutáre tuum exsultábit veheménter: desidérium ánimæ ejus tribuísti ei. **Ps. ibid., 4** Quóniam prævenísti eum in benedictiónibus dulcédinis: posuísti in cápite ejus corónam de lápide pretióso. **V.** Glória Patri.

#### Oratio

Deus, qui hunc diem beáti Albáni mártýrio consecrásti: tríbue, quásumus; ut, cujus ánnuo gratulámur officio, ejus contínuo foveámur auxilió. Per Dóminum.

**Et fit commemoratio S. Paulini Ep. et Conf.:**

#### Oratio

Deus, qui ómnia pro te in hoc sáculo relinquéntibus céntuplum in futúro et vitam ætérrnam promisísti: concéde propítius; ut, sancti Pontíficis Paulíni vestigiis inhæréntes, valeámus terréna despícere et sola cæléstia desideráre. Qui vivis.

#### Léctio libri Sapiéntiæ

**Sap. 10, 10-14**

Justum dedúxit Dóminus per vias rectas, et osténdit illi regnum Dei, et dedit illi sciéntiam sanctórum: honestávit illum in labóribus, et complévit labóres illíus. In fraude circumveniéntium illum áffuit illi, et honéstum fecit illum. Custodívit illum ab inimícis, et a seductóribus tutávit illum, et certámen forte dedit illi, ut vínceret, et sciret quóniam ómnium poténtior est sapiéntia. Hæc vénditum justum non derelíquit, sed a peccatóribus liberávit eum; descendítque cum illo in fóveam, et in vínculis non derelíquit illum, donec afférret illi sceptrum regni, et poténtiam advérsus eos qui eum deprimébant: et mendáces osténdit qui maculavérunt illum: et dedit illi claritátem ætérrnam Dóminus Deus noster.

#### Graduale

**Ps. 111, 1-2**

Beátus vir qui timet Dóminum: in mandátis ejus cupit nimis. **V.** Potens in terra erit semen ejus: generátio rectórum benedicétur.

Allelúja, allelúja. **V. Ps. 20, 4** Posuísti, Dómine, super caput ejus corónam de lápide pretióso. Allelúja.

+ Sequéntia sancti Evangéllii secúndum Mattáeum

Matth. 16, 24-27

In illo témpore: Dixit Jesus discíplis suis: Si quis vult post me veníre, ábneget semetípsum, et tollat crucem suam, et sequátur me. Qui enim volúerit ánimam suam salvam fácere, perdet eam: qui autem perdíderit ánimam suam propter me, invéniet eam. Quid enim prodest hómíni, si mundum univérsum lucrétur, ánimæ vero suæ detriméntum patiátur? Aut quam dabit homo commutatiónem pro ánima sua? Fílius enim hómínis ventúrus est in glória Patris sui cum Angelis suis: et tunc reddet unicuíque secúndum ópera ejus.

Antiphona ad Offertorium

Ps. 8, 6-7

Glória et honóre coronásti eum: et constituísti eum super ópera mánuum tuárum, Dómine.

Secreta

Sicut in beáti Albáni Mártyris tui veneratióne te mirábilem prædicámus: sic apud cleméntiam tuam, Dómine, per hæc piæ placatiónis officia pro nobis, quæsumus, ipse pius intervéntor exsístat. Per Dóminum.

Pro S. Paulino

Secreta

Da nobis, Dómine, perféctæ caritátis sacrificium exémplo sancti Pontíficis Paulíni cum altáris oblatiõe conjúngere: et beneficétiæ stúdio sempitérnam misericórdiam promeréri. Per Dóminum.

Antiphona ad Communionem

Matth. 16, 24

Qui vult veníre post me, ábneget semetípsum, et tollat crucem suam, et sequátur me.

Postcommunio

Ut tua nos, Dómine, sacraménta purgent a crímíne, et in caritátis tuæ fervóre consérvent: sanctam majestátem tuam, quæsumus, beátus Martyr Albánus semper exóret. Per Dóminum.

Pro S. Paulino

Postcommunio

Tríbue nobis per hæc sancta, Dómine, illum pietátis et humilitátis afféctum quem ex hoc divíno fonte hausit sanctus Póntifex tuus Paulínus: et ipsíus intercessiõe in omnes qui te deprecántur grátiae tuæ divítias benígnus effúnde. Per Dóminum.

**Die 7 Julii**  
**TRANSLATIO S. THOMÆ EPISCOPI ET MARTYRIS**

III classis

(In Civitate tantum Cantuar.)

Omnia ut in ejus Festo, die 29 Decembris in Missali, præter Orationes  
sequentes:

Oratio

Deus, qui nobis Translatiõnem beati Thomæ Mártiris tui atque Pontíficis, celebráre concédis: te súpplikes exorámus; ut, ejus méritis et précibus, a vítiis ad virtútes, et a cárcere transferámur ad regnum. Per Dóminum.

Et fit commemoratio Ss. Cyrilli et Methodii Episcopum et Confessorum.:

Oratio

Omnípotens sempitérne Deus, qui Slavóniæ gentes per beátos Confessóres tuos atque Pontífices Cyrillum et Methódium ad agnitiónem tui nóminis veníre tribuísti: præsta; ut, quorum festivitáte gloriámur, eórum consórtio copulémur. Per Dóminum.

Secreta

Deus, qui panem et vinum in corpus tuum et sánguinem cælésti benedictiõne convértis: concéde nobis per mérita beati Thomæ Mártiris tui atque Pontíficis; ut, ad tuam misericórdiam reverténtes, tuo beneplácito conformémur: Qui vivis.

Pro S. Cyilli et Methodii

Secreta

Preces nostras, quásumus, Dómine, et tuórum réspice oblatiõnes fidélium: ut tibi gratæ sint in tuórum festivitáte Sanctórum, et nobis cónferant tuæ propitiatiõnis auxiliium. Per Dóminum.

Postcommunio

Deus, qui beátum Thomam Mártirem tuum atque Pontíficem a supplíciis ad gáudia transtulísti: tríbe, quásumus; ut, qui Translatiõnem ejus venerámur in terris, per ejus patrocínium ad cæléstia transferámur. Per Dóminum.

Pro S. Cyilli et Methodii

Postcommunio

Quásumus, omnípotens Deus: ut, qui nobis múnera dignáris præbére cæléstia, intercedéntibus sanctis tuis Cyrillo et Methódio, despícere terréna concédas. Per Dóminum.

**Die 9 Julii**  
**SS. JOANNIS FISHER EP. ET THOMÆ MORE MARTYRUM**

I classis

Antiphona ad Introitum

Ps. 33, 20-21

Multæ tribulatiões justórum, et de his ómnibus liberávit eos Dóminus: Dóminus custódit ómnia ossa eórum: unum ex his non conterétur. **Ps. ibid., 2** Benedícam Dóminum in omni témpore: semper laus ejus in ore meo. **V.** Glória Patri.

Oratio

Deus, qui beátos Mártyres tuos Joánnem et Thomam veræ fidei et Románæ Ecclésiæ principátus propugnatóres inter Anglos suscitásti: eórum méritis ac précibus concéde; ut ejúsdem fidei professiõe unum omnes in Christo efficiámur et simus: Qui tecum.

Léctio libri Machabæórum

2 Mach. 6, 18-28

In diébus illis: Eleázarus, unus de primóribus scribárum, vir ætáte provéctus et vultu decórus, apérto ore hians compellebátur carnem porcínam manducáre. At ille gloriosíssimam mortem magis quam odíblem vitam compléctens, voluntárie præibat ad supplicium. Intuens autem quemádmódu[m] oportéret accédere, paciénter sústinens, destinávit non admíttere illícita propter vitæ amórem. Hi autem qui astábant, iníqua miseratiõe commóti, propter antíquam viri amicítiam, tolléntes eum secréto, rogábant afférri carnes quibus vesci ei licébat, ut simularétur manducásse, sicut rex imperáverat, de sacrificii cárnibus, ut hoc facto a morte liberarétur: et propter véterem viri amicítiam hanc in eo faciébant humanitátem. At ille cogitáre cœpit ætátis [ac senectútis] suæ eminéntiam dignam, et ingénitæ nobilitátis canítiem, atque a púero óptimæ conversatiónis actus: et secúndum sanctæ et a Deo cónditæ legis constitúta, respóndit cito, dicens præmítte se velle in inférnum. Non enim ætáti nostræ dignum est, inquit, fíngere, ut multi adolescéntium arbitrántes Eleázarus nonagínta annórum transísse ad vitam alienigenárum, et ipsi propter meam simulatió[n]em, et propter módicum corruptíbilis vitæ tempus decipiántur; et per hoc máculam et exsecratió[n]em meæ senectúti conquíram. Nam, etsi in præsénti témpore suppliciiis hóminum erípiar, sed manum Omnipoténtis nec vivus nec defúctus effúgiam. Quam ob rem fórtiter vita excedéndo, senectúte quidem dignus apparebo, adolescéntibus autem exéplum forte relínquam, si prompto ánimo ac fórtiter pro gravíssimis ac sanctíssimis légibus honésta morte perfúngar. His dictis, conféstim ad supplicium trahebátur.

**Graduale**

**Ps. 33, 6, 16**

Accédite ad eum et illuminámini: et fácies vestræ non confundéntur. **V.** Oculi Dómini super justos: et aures ejus in preces eórum.

Allelúja, allelúja. **V. Joann. 17, 3** Hæc est vita ætérna, ut cognóscant te solum Deum verum, et quem misísti, Jesum Christum. Allelúja.

**In Missis votivis T. P. omittitur Graduale et ejus loco dicitur:**

Allelúja, allelúja. **V. Joann. 17, 3** Hæc est vita ætérna, ut cognóscant te solum Deum verum, et quem misísti, Jesum Christum. Allelúja. **V. Ps. 33, 6** Accédite ad eum et illuminámini: et fácies vestræ non confundéntur. Allelúja.

**Post Septuagesimam, omissis Allelúja, et Versu sequenti, dicitur:**

**Tractus**

**Ps. 125, 5-6**

Qui séminant in lácrimis, in exsultatióne metent. **V.** Eúntes ibant et flebant, mitténtes sémina sua. **V.** Veniéntes autem vénient cum exsultatióne, portántes manípulos suos.

**+ Seqéntia sancti Evangélii secúndum Joánnem**

**Joann. 10, 23-30**

In illo témpore: Ambulábat Jesus in templo in pórticu Salomónis. Circumdedérunt ergo eum Judæi, et dicébant ei: Quoúsque ánimam nostram tollis? Si tu es Christus, dic nobis palam. Respondit eis Jesus: Loquor vobis, et non créditis. Opera quæ ego fácio in nómine Patris mei, hæc testimónium pérhibent de me. Sed vos non créditis, quia non estis de [ex] óvibus meis. Oves meæ vocem meam áudiunt et ego cognóscó eas, et sequúntur me: et ego vitam ætérnam do eis, et non períbunt in ætérnum, et non rápiet eas quisquam de manu mea. Pater meus quod dedit mihi, majus ómnibus est: et nemo potest rápere de manu Patris mei. Ego et Pater unum sumus. Credo.

**Antiphona ad Offertorium**

**Ps. 67, 36**

Mirábilis Deus in Sanctis suis: Deus Israël, ipse dabit virtútem et fortitúdinem plebi suæ: benedíctus Deus.

**Secreta**

Oblatióne nostris, quásumus, Dómine, placátus inténde: et, Mártyrum tuórum interveniénte suffrágio, grátia tuæ nobis dona concéde. Per Dóminum.

**Antiphona ad Communionem**

**Joann. 10, 27-28**

Oves meæ vocem meam áudiunt, et ego cognóscó eas, et sequúntur me: et ego vitam ætérnam do eis, et non períbunt in ætérnum.

### Postcommunio

Cælésti convívio refécti, quæsumus, Dómine Deus noster: ut, intercedéntibus beátis Martíribus tuis Joáinne et Thoma, ad eórum consórtium perveníre mereámur. Per Dóminum.

## MISSA VOTIVA DE S. JOANNE FISHER EP. ET MART.

*Missa Státuit, de Communi unius Martyris 1 loco, cum orationibus ut infra:*

### Oratio

Deus, qui beáto Pontífici tuo Joánni pro veritáte et justítia magno ánimo vitam profúndere tribuísti: da nobis ejus intercessióne et exémplo vitam nostram pro Christo in hoc mundo pérdere, ut eam in cælo inveníre valeámus. Per eúndem Dóminum.

### Secreta

Clementíssime Deus, múnere hæc tua benedictióne perfúnde, et nos in ea fide confírma quam beátus Joáannes Martyr et Póntifex tuus effúso sángine proclamávit. Per Dóminum.

### Postcommunio

Spíritum, Dómine, fortitúdinis hæc nobis tríbuat mensa cæléstis, quæ beáti Joánnis Mártiris tui atque Pontíficis vitam pro Ecclésiæ honóre júgiter áluit ad victóriam. Per Dóminum.

## MISSA VOTIVA DE S. THOMA MARTYRE

### Antiphona ad Introitum

Ps. 20, 2-3

In virtúte tua, Dómine, lætábitur justus: et super salutáre tuum exsultábit veheménter: desidérium ánimæ ejus tribuísti ei. **Ps. *ibid.*, 4** Quóniam prævenísti eum in benedictiónibus dulcédinis: posuísti in cápite ejus corónam de lápide pretióso. **V.** Glória Patri.

### Oratio

Deus, qui beáto Thomæ Mártiri inter sáculi illécebras et cárceris mortísque dolóres hílari fortíque ánimo crucem tuam amplécti tribuísti: concéde, quæsumus, ejus intercessióne et exémplo; ut, pro fide et justítia aláccriter decertántes, ad æténa gáudia læti perveníre mereámur. Qui vivis.

## Léctio libri Machabæórum

### 2 Mach. 6, 18-28

In diébus illis: Eleázarus, unus de primóribus scribárum, vir ætáte provéctus et vultu decórus, apérto ore hians compellebátur carnem porcínam manducáre. At ille gloriosíssimam mortem magis quam odíblem vitam compléctens, voluntárie præibat ad supplícium. Intuens autem quemádmódu oportéret accédere, paciénter sústinens, destinávit non admíttere ilícita propter vitæ amórem. Hi autem qui astábant, iníqua miseratióne commóti, propter antíquam viri amicítiam, tollétes eum secréto, rogábant afférri carnes quibus vesci ei licébat, ut simularétur manducásse, sicut rex imperáverat, de sacrificii cárnibus, ut hoc facto a morte liberarétur: et propter véterem viri amicítiam hanc in eo faciébant humanitátem. At ille cogitáre cœpit ætátis [ac senectútis] suæ eminentiam dignam, et ingénitæ nobilitátis canítiem, atque a púero óptimæ conversatiónis actus: et secúndum sanctæ et a Deo cónditæ legis constitúta, respóndit cito, dicens præmítte se velle in inférnum. Non enim ætáti nostræ dignum est, inquit, fíngere, ut multi adolescéntium arbitrántes Eleázarus nonagínta annórum transísse ad vitam alienigenárum, et ipsi propter meam simulatiónem, et propter módicum corruptíbilis vitæ tempus decipiántur; et per hoc máculam et exsecratiónem meæ senectúti conquíram. Nam, etsi in præsénti témpore supplíciiis hóminum erípiar, sed manum Omnipoténtis nec vivus nec defúctus effúgiam. Quam ob rem fórtiter vita excedéndo, senectúte quidem dignus apparébo, adolescéntibus autem exéplum forte relínquam, si prompto ánimo ac fórtiter pro gravíssimis ac sanctíssimis légibus honésta morte perfúngar. His dictis, conféstim ad supplícium trahebátur.

### Graduale

Ps. 111, 1-2

Beátus vir qui timet Dóminum: in mandátis ejus cupit nimis. **V.** Potens in terra erit semen ejus: generátio rectórum benedicétur.

Allelúja, allelúja. **V. Ps. 20, 4** Posuísti, Dómine, super caput ejus corónam de lápide pretióso. Allelúja.

### + Sequéntia sancti Evangélii secúndum Mattæum

#### Matth. 10, 34-42

In illo témpore: Dixit Jesus discíplis suis: Nolíte arbitrári quia pacem vénerim míttere in terram: non veni pacem míttere, sed gládium. Veni enim separáre hóminem advérsus patrem suum, et fíliam advérsus matrem suam, et nurum advérsus socrum suam: et inimíci hóminis, doméstici ejus. Qui amat patrem aut matrem plus quam me, non est me dignus: et qui amat fílium aut fíliam super me, non est me dignus. Et qui non áccipit crucem suam et séquitur me, non est me dignus. Qui invénit ánimam suam, perdet illam: et qui perdíderit ánimam suam propter me, invéniet eam. Qui récipit vos, me récipit: et qui me récipit, récipit eum qui me misit. Qui récipit prophétam in nómine prophétæ, mercédem

prophétæ accípiet: et qui récipit justum in nómine justi, mercédem justi accípiet. Et quicumque potum déderit uni ex mínimis istis cálicem aquæ frígidae tantum in nómine discípli: amen dico vobis, non perdet mercédem suam.

### Antiphona ad Offertorium

Ps. 8, 6-7

Glória et honóre coronásti eum: et constituísti eum super ópera mánuum tuárum, Dómine.

### Secreta

Hoc sacrificíum redemptiónis nostræ, quásumus, omnipotens Deus, cleménter réspice: et, intercedénte beáto Thoma Mártire tuo, pro hac família tua placátus assúme. Per Dóminum.

### Antiphona ad Communionem

Matth. 16, 24

Qui vult veníre post me, ábneget semetípsum, et tollat crucem suam, et sequátur me.

### Postcommunio

Sint tibi, omnipotens Deus, grata nostræ servitútis obséquia: ut hæc sancta quæ súmpsimus, intercedénte beáto Thoma Mártire tuo, nobis ad capessénda pérpetis vitæ præmia profícere sentiámus. Per Dóminum.

## Die 15 Julii

### S. SWITHUNI EPISCOPI ET CONFESSORIS

III classis

**Missa** Sacerdótes tui, **de Comm. Conf. Pont. 2 loco, præter Orationes sequentes:**

### Oratio

Omnípotens sempitérne Deus, qui hodiérnam diem honorábilem nobis in beáti Swithúni Confessóris tui atque Pontíficis festivitáte fecísti: da Ecclésiæ tuæ in hac celebritáte lætítiam; ut cujus sollemnitátem venerámur in terris, ejus intercessióne sublevémur in cælis. Per Dóminum.

**Et fit commemoratio S. Henrici Imperatoris Confessoris.:**

### Oratio

Deus, qui hodiérna die beátum Henricum Confessórem tuum e terréni cúlmine impérii ad regnum ætérnum transtulísti: te súpplices exorámus; ut, sicut ilium, grátia tuæ ubertáte prævéntum, illécebras sáculi superáre fecísti, ita nos fácias,

ejus imitatione, mundi hujus blandimenta vitare, et ad te puris mentibus pervenire. Per Dominum.

**Secreta**

Réspice, quæsumus, Dómine, pópulum tuum ad tua sacramenta curréntem, in præsentí festivitáte beáti Swithúni Confessoris tui atque Pontíficis: et concéde; ut, ipso intercedénte, quod in honóre tui nóminis obtulérunt, cunctis prosit ad véniam. Per Dominum.

**Pro S. Henrici**

**Secreta**

Laudis tibi, Dómine, hóstias immolámus in tuórum commemoratióne Sanctórum: quibus nos et præsentibus éxui malis confídimus, et futúris. Per Dominum.

**Postcommunio**

Pignus vitæ æternæ capiéntes, Dómine, humíliter implorámus: ut, intercedénte beáto Swithúno Confessore tuo atque Pontífice, quod in imágine contígimus sacraménti, manifésta participatióne sumámus. Per Dominum.

**Pro S. Henrici**

**Postcommunio**

Refécti cibo potúque cælesti, Deus noster, te súplices exorámus: ut, in cujus hæc commemoratióne percépimus, ejus muniámur et précibus. Per Dominum.

**Die 19 Septembris  
S. THEODORI EPISCOPI ET CONFESSORIS**

**III classis**

**Missa Státuit, de Comm. Conf. Pont. 1 loco.**

**Oratio**

Da, quæsumus, omnípotens Deus: ut beáti Theodóri Confessoris tui atque Pontíficis veneránda sollémnitas, et devotióne nobis áugeat, et salútem. Per Dominum.

**Et fit commemoratio Ss. Januarii et Sociorum Martyrum.:**

**Oratio**

Deus, qui nos ánnua sanctórum Mártyrum tuórum Januárii et Sociórum ejus solemnitáte lætíficas: concéde propítius; ut, quorum gaudémus méritis, accendámur exémplic. Per Dominum.

**Secreta**

Sancti tui, quæsumus, Dómine, nos ubíque lætíficent: ut, dum eórum mérita recólimus, patrocínia sentiámus. Per Dominum.

**Pro Ss. Martyribus**

**Secreta**

Oblátis, quásumus, Dómine, placáre munéribus: et, intercedéntibus sanctis Martýribus tuis Januário et Sociis, a cunctis nos defénde perículis. Per Dóminum.

**Postcommunio**

Præsta, quásumus, omnípotens Deus: ut, de percéptis munéribus grátias exhibéntes, intercedénte beáto Theodóro Confessóre tuo atque Pontífice, benefícia potióra sumámus. Per Dóminum.

**Pro Ss. Martyribus**

**Postcommunio**

Hæc nos commúnio, Dómine, purget a crímine: et, intercedéntibus sanctis Martýribus tuis Januário et Sociis, cæléstis remédii fáciat esse consótes. Per Dóminum.

**Die 30 Septembris**

**S. HONORII EPISCOPI ET CONFESSORIS**

**Commemoratio**

**Orationes ex Missa Státuit, de Comm. Conf. Pont. 1 loco.**

**Oratio**

Da, quásumus, omnípotens Deus: ut beáti Honórii Confessóris tui atque Pontíficis veneránda sollémnitas, et devotiónem nobis áugeat, et salútem. Per Dóminum.

**Secreta**

Sancti tui, quásumus, Dómine, nos ubíque lætíficent: ut, dum eórum mérita recólimus, patrocínia sentiámus. Per Dóminum.

**Postcommunio**

Præsta, quásumus, omnípotens Deus: ut, de percéptis munéribus grátias exhibéntes, intercedénte beáto Honório Confessóre tuo atque Pontífice, benefícia potióra sumámus. Per Dóminum.

**Die 10 Octobris**

**S. PAULINI EPISCOPI ET CONFESSORIS**

**III classis**

**Missa Státuit, de Comm. Conf. Pont. 1 loco.**

### Oratio

Da, quæsumus, omnipotens Deus: ut beāti Paulīni Confessoris tui atque Pontificis venerānda sollēmnitas et devotiōnem nobis augeat et salutem. Per Dōminum.

**Et fit commemoratio S. Francisci Borgiae Confessoris.:**

### Oratio

Dōmine Jesu Christe, veræ humilitātis et exēplar et prāmium: quæsumus; ut, sicut beātum Franciscum in terrēni honoris contēptu imitatōrem tui gloriōsum effecisti, ita nos ejūsdem imitatiōnis et glōriæ tribuas esse consōrtes: Qui vivis.

### Secreta

Sancti tui, quæsumus, Dōmine, nos ubique lætificent: ut, dum eōrum mērita recōlimus, patrocīnia sentiāmus. Per Dōminum.

**Pro S. Francisco**

**Secreta**

Sacris altāribus, Dōmine, hōstias superpōsitas sanctus Franciscus, quæsumus, in salutem nobis provenīre depōscat. Per Dōminum.

### Postcommunio

Præsta, quæsumus, omnipotens Deus: ut, de percēptis munēribus grātias exhibēntes, intercedēte beāto Paulīno Confessore tuo atque Pontifice, beneficia potiōra sumāmus. Per Dōminum.

**Pro S. Francisco**

**Postcommunio**

Prōtegat nos, Dōmine, cum tui perceptiōne sacramēti beātus Franciscus pro nobis intercedēdo: ut et conversatiōnis ejus experiāmur insīgnia, et intercessiōnis percipiāmus suffrāgia. Per Dōminum.

**Die 12 Octobris**

**S. WILFRIDI EPISCOPI ET CONFESSORIS**

**III classis**

**Missa Sacerdōtes tui, de Comm. Conf. Pont., præter Orationes sequentes:**

### Oratio

Deus, cujus grātia beātus Wilfrīdus Pōntifex lūcidis meritōrum signis excellēter effūlsit: præsta nobis propītius; ut, ejus semper patrocīnio muniāmur, cujus doctrīna ad appetēnda cælēstia informāmur. Per Dōminum.

**Secreta**

Purífica, quæsumus, omnipotens Deus, mentem familiæ tuæ Sancti Spíritus tui illustratióne: ut per suffrágia beáti Wilfrídi Confessoris tui atque Pontíficis, accépta reddántur præsentia múnera nostræ devotiónis. Per Dóminum... in unitáte ejúsdem.

**Postcommunio**

Redemptiúnis æternæ pábulo satiáti, súplices, Dómine, tuam cleméntiam deprecámur: ut, beáti Wilfrídi Confessoris tui atque Pontíficis intercedéntibus méritis, æterna capiámus dona salútis. Per Dóminum.

**Die 13 Octobris**  
**S. EDUARDI REGIS, CONFESSORIS**

**II classis**

**Missa ut in Missali eadem die.**

**Die 15 Octobris**  
**IN DEDICATIONE ECCLESIE CATHEDRALIS**

**I classis**

**Missa Terríbilis, ut in Comm. Dedic. Eccl.**

**Die 10 Novembris**  
**S. JUSTI EPISCOPI ET CONFESSORIS**

**III classis**

**Missa Státuit, de Comm. Conf. Pont. 1 loco, præter Orationem sequentem:**

**Oratio**

Exáudi, Dómine, pópulum tuum tibi mente subiéctum, et beáti Justi Confessoris tui atque Pontíficis supplicatióne custódi: ut, quod pie credit appetat, et quod juste sperat fidéliter consequátur. Per Dóminum.

**Et fit commemoratio S. Andreæ Avellino Confessoris.:**

**Oratio**

Deus, qui in corde beáti Andréæ Confessoris tui, per árduum quotidie in virtútibus proficiéndi votum, admirábiles ad te ascensiónes disposuísti: concéde nobis, ipsíus méritis et intercessióne, ita ejúsdem grátia participes fieri; ut, perfectióra semper exsequéntes, ad glóriæ tuæ fastígium felíciter perducámur. Per Dóminum.

Deinde, commemoratio Ss. Tryphonis, Respicii et Nymphæ Virginis, Martyrum.:

**Oratio**

Fac nos quæsumus, Dómine, sanctórum Mártyrum tuórum Tryphónis, Respíci et Nymphæ semper festa sectári: quorum suffrágiis, protectiόνis tuæ dona sentiámus. Per Dóminum.

**Secreta**

Sancti tui, quæsumus, Dómine, nos ubíque lætíficent: ut, dum eórum mérita recólimus, patrocínia sentiámus. Per Dóminum.

**Pro S. Andreæ**

**Secreta**

Laudis tibi, Dómine, hóstias immolámus in tuórum commemoratióne Sanctórum: quibus nos et præsentibus éxui malis confídimus, et futúris. Per Dóminum.

**Pro Ss. Martyribus**

**Secreta**

Múnera tibi, Domine, nostræ devotiόνis offérimus: quæ et pro tuórum tibi grata sint honóre justórum, et nobis salutária, te miseránte, reddátur. Per Dóminum.

**Postcommunio**

Præsta, quæsumus, omnípotens Deus: ut, de percéptis munéribus grátias exhibéntes, intercedénte beáto Justo Confessóre tuo atque Pontífice, benefícia potióra sumámus. Per Dóminum.

**Pro S. Andreæ**

**Postcommunio**

Refécti cibo potúque cælésti, Deus noster, te súpplīces exorámus: ut, in cuius hæc commemoratióne percépimus, ejus muniámur et précibus. Per Dóminum.

**Pro Ss. Martyribus**

**Postcommunio**

Præsta nobis, quæsumus, Dómine: intercedéntibus sanctis Martýribus tuis Tryphóne, Respicio et Nymmpha; ut, quod ore contíngimus, pura mente capiámus. Per Dominum.

**Die 16 Novembris**

**S. EDMUNDI EPISCOPI ET CONFESSORIS**

**III classis**

**Missa Státuit, de Comm. Conf. Pont. 1 loco, cum Orationibus ut infra.**

**Oratio**

Deus, qui largífluæ bonitátis consílio Ecclésiám tuam beáti Edmúndi Confessóris tui atque Pontíficis præcláræ vitæ méritis decorásti, et gloriósis lætificásti miráculis: concéde propítius nobis fámulis tuis; ut et ipsíus in mélius

reformémur exémpis, et ab ómnibus ejus patrocínio protegámur advérsis. Per Dóminum.

**Et fit commemoratio S. Gertrudis Virginis.:**

**Oratio**

Deus, qui in corde beátæ Gertrúdis Vírginis jucúndam tibi mansiónem præparásti: ipsíus méritis et intercessióne cordis nostri máculas cleménter abstérge, et ejúsdem tríbue gaudére consórtio. Per Dóminum.

**Secreta**

Beáti Edmúndi Confessóris tui atque Pontíficis, quæsumus, Dómine, précibus múnera tibi offerénda compláceant, et obláta nobis proficiant ad salútem. Per Dóminum.

**Pro S. Gertrude**

**Secreta**

Accépta tibi sit, Dómine, sacrátæ plebis oblátio pro tuórum honóre Sanctórum: quorum se méritis de tribulatióne percepísse cognóscit auxiliú. Per Dóminum.

**Postcommunio**

Mentes nostras, quæsumus, Dómine, suscéptis róborá sacraméntis: ut, sicut eas beáti Edmúndi Confessóris tui atque Pontíficis novis dignátus es confortáre miráculis, sic étiam juváre suffrágiis, et illustráre dignéris exémpis. Per Dóminum.

**Pro S. Gertrude**

**Postcommunio**

Satiásti, Dómine, famíliam tuam munéribus sacris: ejus, quæsumus, semper interventióne nos réfove, cujus sollémnia celebrámus. Per Dóminum.

# INDEX

## A

S. Ælphegi Ep. et Mart. <b>19 Aprilis. III classis.</b>	pg 5
S. Æthelberti Regis, Conf. <b>25 vel 26 Februarii. III classis.</b>	pg 4
S. Albani Mart. <b>22 Junii. III classis.</b>	pg 17
S. Aldhelmi Ep. et Conf. <b>28 Maji. II classis.</b>	pg 16
S. Augustini Ep. et Conf. <b>26 Maji. II classis.</b>	pg 14

## B

S. Benedicti Biscopi Abbatis. <b>12 Januarii. Commemoratio.</b>	pg 3
---	------

## C

## D

In Dedicacione Eccl. Cathedralis. <b>15 Octobris. I classis.</b>	pg 28
S. Dunstani Ep. et Conf. <b>19 Maji. III classis.</b>	pg 13

## E

S. Edmundi Ep. et Conf. <b>16 Novembris. III classis.</b>	pg 29
S. Eduardi Regis, Conf. <b>13 Octobris. II classis.</b>	pg 28
S. Erconwaldi Ep. et Conf. <b>13 Maji. III classis.</b>	pg 11

## G

S. Georgii Mart. <b>23 Aprilis. I classis.</b>	pg 7
S. Gregorii Papæ, Conf. et Doct. <b>12 Martii. II classis.</b>	pg 5

## H

S. Honorii Ep. et Conf. <b>30 Septembris. Commemoratio.</b>	pg 26
---	-------

## J

Ss. Joannis Fisher Ep. et Thomæ More Mart. <b>9 Julii. I classis.</b>	pg 20
S. Justi Ep. et Conf. <b>10 Novembris. III classis.</b>	pg 28

## L

S. Laurentii Ep. et Conf. <b>3 Februarii. III classis.</b>	pg 3
--	------

## M

Beatorum Mart. Ang. et Camb. <b>4 Maji. III classis.</b>	pg 8
S. Melliti Ep. et Conf. <b>24 Aprils. III classis.</b>	pg 7

**P**

S. Paulini Ep. et Conf. **10 Octobris. III classis.** pg 26

**R**

S. Ricardi Ep. et Conf. **3 Aprilis. III classis.** pg 5

**S**

S. Simonis Stock Conf. **16 Maji. III classis.** pg 12

S. Swithuni Ep. Et Conf. **15 Julii. III classis.** pg 24

**T**

S. Theodori Ep. et Conf. **19 Septembris. III classis.** pg 25

S. Thomæ Cantuariensis Ep. et M. **29 Decembris. I classis** pg 3

—— Translatio S. Thomæ Ep. et Mart. **7 Julii. III classis.** pg 19

Ss. Thomæ More et Joannis Fisher Ep. Mart. **9 Julii. I classis.** pg 20

**W**

S. Wilfridi Ep. Et Conf. **12 Octobris. III classis.** pg 27